

VACCINAZIUN DALLA FRATERNITAD E SPERONZA

Cars concristifideivels, dunnas ed umens en la diocesa da Cuera

Papa Francestg ha detg uonn denter auter en sia allocuziun als diplomats: “Fraternitad e speronza ein medicaments, ils quals il mund drova oz sco vaccin”. Tals vaccins san ins mo far da cuminonza.

Quels plaids dil Papa reproduceschan exactamein quei che muenta mei il mument internamein fetg. Nus fagein atras discordias, separaziuns e polarisaziuns. Quei vesein nus era en nossa baselgia, era egl uestgiu da Cuera. Quei ein tensiuns, separaziuns, polarisaziuns che nus – Diu sa bein quei - astgein veramein buca prestar. Quei impedescha nus d’encurir da cuminonza ils vaccins che nus tuts giavischein. Gie, ils carstgauns drovan gest oz fraternitad e speronza. Ils carstgauns spetgan era – e quei cun raschun – che la baselgia seigi en quei grau in exempel e ch’ella muossi la via da fraternitad e speronza.

Ils davos onns han ins detg e scret bia – gie memia bia. Avon mia instituziun en uffeci lessel denton buca s’exprimer – quei che schai a mi da cor, haiel explicau gest avon. Pli bugen vegnel jeu ad agir: ei dat bia da far.

Jeu engraziel a tut quels ch’ein uni cun il uestgiu da Cuera. Astgel jeu exprimer el medem mument in giavisch? Biars carstgauns han spitgau vess sin la nominaziun d’in niev uestg da Cuera. Igl ei logic, che quella informaziun sur da quella decisiun dil Papa vegn era ad anflar interess medial. Nus astgein denton buca untgir giud via pervia da quei. Nus duessen denton buca focussar sin quella nominaziun. Las impurtontas novas ein autras. Quellas pertuccan en special carstgauns che piteschan sut la pandemia, da quels ch’ein daventai unfrenda e che sesanflan en quei risguard en ina greva situaziun. Quels carstgauns ston haver prioritad e star en emprema lingia. Ei drova gronda solidaritad en nossa tiara e medemamein cun igl entir mund. Aschia savein nus daventar consviluppaders d’in meglier avegnir, el qual fraternitad e speronza restan buca mo utopias.

Ils davos onns ei vegniu urau fetg bia per in niev uestg da Cuera. Jeu engraziel a tuts da cor persuerter e supplicheschel Vus da buca calar cun l’oraziun. Quella drovel jeu per igl avegnir pir che mai. Da mia vart vegnel era a rugar intensivamein vinavon. Rugar per il beinstar da tuts carstgauns – senza distincziun – en nossa diocesa.

En engrazieivladad salidel Vus cordialmein

Joseph M.

Cuera, 15 da fevrer 2021